

光緒順天府志

河渠志十一

光緒順天府志四十六

河工七

德清傅雲龍纂江陰穆荃孫覆輯

北運河 舊運河

其前代河工漢建安十一年鑿渠

曹操鑿渠自呼沱入泲水名平虜渠又從洵河口鑿入潞河名

泉州渠據三國魏志 按奉使行程錄云潞河東半里許 有潞沙曹操征烏桓袁尚等鑿渠入潞沙即此地

唐神龍三年約渠穿漕

姜師度於薊州北漲水為溝約舊渠傍海穿漕號平虜渠舊唐書食

貨志 按明大學士李賢新開運河記云唐神龍中於 漁陽開平遠渠傍海穿漕所謂平遠渠即平虜渠也

金為開節高良河諸水

金都燕東去潞水五十里故為閘以節高良河白蓮諸水以通

粟然自通州而上地峻而水不留其勢易淺世宗世議者請開

盧溝金口通漕役眾數年無功

金河渠志

大定五年濬運河

大定四年十月上出近郊見運河湮塞召問其故主者云戶部不為經營所致召戶部侍郎曹望之曰有河不加濬罪在汝等朕不欲即加罪宜悉力使漕渠通也五年正月尚書省奏可謂夫數萬上日方春不可勞民令官籍監戶東宮親王人從及五百里內軍夫濬治

金河渠志

泰和初開通州潞水漕渠

翰林應奉韓玉請開通州潞水漕渠又近侍局提點烏古論慶壽議開漕河四年詔慶壽按視河成賜資寵之

據金史傳大金國志

五年鑿霸州故漕河

至霸州以故漕河淺濇勅尚書省發軍夫六千改鑿之

金河渠志

史紀正月丁丑次霸州謂
山東河北軍夫改治漕渠

元中統三年開玉泉水

八月郭守敬請開玉泉水通漕元世祖紀

至元元年疏漕渠

二月壬子發北京都元帥河海所領軍疏雙塔漕渠元世祖紀

十三年穿武清蒙邨漕渠

八月己巳穿元世祖紀

十六年浚通州運糧河

五月辛丑以通州水淺命樞密院發軍五千仍令食祿諸官雇

役千人開浚以五十日訖工續通鑑一百八十四

十七年又浚

二月庚子發侍衛軍三千浚通州運糧河續通鑑一百八十五

二十二年穿河西務河

二月以應放還五衛軍穿續通鑑一
百八十七

二十三年浚蒙邨漕渠

正月發五衛及新附軍浚元世祖紀

二十四年浚河西務漕渠

正月以修築柳林海子河隄南軍三千浚元世祖紀

二十五年浚河西務至通州漕渠

五月庚辰發武衛親軍千人浚渠元世祖紀

二十六年築沙河隄濟河西務漕渠

四月庚午沙河決發民築隄五月庚辰發武衛親軍千人浚河

西務至通州漕渠元世祖紀

二十八年浚河築隄

十二月辛卯濬運糧河築隄

續通鑑一百九十

二十九年開通惠河

至元二十八年都水監郭守敬建言疏鑿通州至都河改引渾水於舊牖河蹤迹導清水上自昌平縣白浮村引神山泉西折南轉過雙塔榆河一畝玉泉諸水至西門入都城南匯爲積水潭東南出文明門東至通州高麗莊入白河長一百六十四里一百四步塞清水口一十二處長三百一十步壩牖一十處共二十座節水通漕從之首事於至元二十九年春告成三十年秋賜名通惠役軍一萬九千一百二十九工匠五百四十二水手三百一十九沒官囚隸百七十二計二百八十五萬工用楮幣百五十二萬錠糧三萬八千七百石木石等物稱是役興之日命丞相以下皆親操畚鍤爲之倡置鍤處往往於地中得舊

時磚木時人感服其壩插名曰廣源插西城插二上插在和義
 門外西北一里下插在和義水門西三步海子插在都城內文
 明插二上插在正門外水門東南下插在文明門西南一里魏
 村插二上插在文明門東南一里下插西至上插一里藉東插
 二在都城東南王家莊郊亭插二在都城東南二十五里銀王
 莊通州插二上插在通州西門外下插在通州南門外楊尹插
 二在都城東南三十里朝宗插二上插在萬億庫南百步下插
 去上插百步元河渠志 又見郭守敬傳 元世祖紀二十九
 上不欲役及細民教四集養人及諸府人與鑿刻日使畢太師
 淇陽忠武王率屬著役者服操香插趨者如雲依刻而渠成賜
 名通惠 按元一統志云新開通惠河碑至元二十九年八月
 興工三十年八月工畢平章政事吉勒展專董其事 昌平山
 水記神山白浮皆在州東南地勢西高
 東下守敬乃能引之而西是不可曉

三十年開渠

白河在灤州東四里北出通州潞縣南入通州境又東南至香河縣界又流入武清縣境達於靜海縣界至元三十年九月漕司言通州運糧河全仰白榆渾三河之水合流名曰潞河今歲新開插河分引渾榆二河上源之水故自李二寺至通州三十餘里河道淺澀今春夏天旱有止深二尺處先是都水監相視白河自東岸吳家莊前就大河西南斜開小河二里許引榆河合流自深溝壩下今丈量自深溝榆河上灣至吳家莊龍王廟前白河西南至壩河八百步及巡視知榆河上源築閉其水盡趨通惠河止有白佛靈溝一子母三小河入榆河擬自吳家莊就龍王廟前閉白河於西南開小渠引水自壩河上灣入榆河又通州城北通惠河積水至深溝村西水渠去樂歲廣儲等倉甚近擬自積水處由舊渠北開四百步至樂歲倉西北都省準

馬通惠河自通州城北至樂歲西北水陸長五百步計役八萬

六百五十工

元河渠志 按元河渠志云元貞二年四月中書省言新開通河兩宜用軍一千五百守護從之七

月工部言設提領三員

三十一年浚通惠河

八月范文虎監浚通惠河

元世祖紀

大德二年修隄

五月中書省劄付都水監運糧河隄自楊村至河西務三十五處用葦一萬九千一百四十束軍夫二千六百四十九名度三十日畢於是本監分官率濠寨至楊村歷視壞隄督巡河夫修理以霖雨水溢故工役倍元料自寺洵口北至蔡村清口孫家務辛莊河西務隄就用元料葦草修補卑薄剏築月隄頗有成功其楊村兩岸相對出水河口四處葦草不敷就令軍夫採刈

至九月住役楊村河上接通惠諸河下通溲沱入江淮使官民舟楫直達都邑利國便民奈楊村隄岸隨修隨圯蓋爲用力不固徒煩工役未修者來春調軍夫修治

元河渠志

七年築白浮壅山決口

六月壅山等處看插提領言九月夜半山水暴漲漫流隄上衝

決水口於是都水監委官督軍夫自九月二十一日入役至是

月終輟工實役軍夫九百九十三人

元河渠志

十一年修白浮壅山河隄筓口

三月都水監言巡視白浮壅山河隄崩三十餘里宜編荆芭爲

水口以泄水勢計修筓口十一處四月興工十月工畢

元河渠志

至大二年修武清縣白河決口

洪皇甫村興役修塞

方輿紀要十一

四年修河剛泰定四年竣

六月省臣言通州至大都運糧河開始務速成皆用木今宜用

甄石以次修治泰定四年竣

元河渠志

皇慶二年修白浮甕山河隄

元年正月都水監言白浮甕山隄多低薄崩陷宜修來春三月

入役八月完長三十七里二百十五步七萬三千七百七十三

工

元河渠志

延祐初修武清縣白河決口

決剡家莊興役修塞

方輿紀要十一

元年治隄堰

四月都水監言白浮甕山下至廣源橋隄堰多淤澱擬疏濬

由是會計工程差軍千人疏治

元河渠志

二年浚鄆州漕渠

正月浚元文宗紀

六年浚通惠河

閏八月浚通惠河元文宗紀十月省臣言漕由直沽達通惠河今岸

淺不早疏濬有礙舟行都水監職專水利宜分官一員以時巡

視遇有頽圯淺澀隨宜修築如功力不敷有司差夫助役怠事

者究治從之元河渠志乙卯浚元文宗紀

至治元年疏玉泉河

十二月甲寅疏元英宗紀

二年浚金水河

四月己巳浚元英宗紀

泰定元年修隄

二月樞府臣奏臨清萬戶府言至治元年雨決壞運糧河岸臣等議令本務差軍三百執役從之

元河渠志

四年浚通惠河築隄

正月浚會通河築灤州護倉隄役丁夫三萬人

元泰定紀

三月都水

監言河西務菜市灣水勢衝嘴宜於劉二總管營相對河東岸

截河築隄改水道與舊河合四年正月省臣奏准樞府差軍五

千大都路募夫五千人日支糙米五升中統鈔一兩本監工部

委官與前衛董指揮監役三月十八日興工六月十一日工畢

元河渠志

八月發衛軍八千修白浮甄山河隄

元泰定紀

都水監言山水

溢衝襄山諸處笆口計料工物移文工部關支修治八月二十

六日興工九月十二日工畢役軍夫二千名實役九萬工四十

五日

元河渠志

天曆二年浚河

四月浚滹州漕運河八月發諸衛軍浚通惠河元文宗紀

至順元年修觀音寺等隄

六月都水監言二十三日夜白河水驟漲丈餘觀音寺新修護

倉隄已督有司差夫救護今水落尺餘宜候伏槽興作元河七渠志

月築滹州柳林子隄堰元文宗紀

二年浚金水河

五月浚元文宗紀

至元三年開通州運河

洪君祥從禿花禿烈伯顏等開通州運河通州志

至正二年開金口河

詳永定河前代河工

十一年濬運河

六月發軍一千從直沽至通州疏濬河道元順帝紀

十四年修白浮蠶山等隄堰

四月修元順帝紀又甯河縣軍糧城舊渠寬二丈深五尺長六里元

時開今淤據甯河關志

明永樂四年治大通河關隄

八月北京行部言宛平昌平西河景東牛欄莊及青龍華家寶

山三關水衝決岸發軍民修治明河渠志

五年置白浮邨已下十二關濬通流等四關河道

北京行部言自西湖景東至通流凡四關河道淤塞自昌平東

南白浮村至西湖景東流水河口百里宜增置十二關從之未

幾關俱堙明河渠志五月浚北京通流等四關河道一萬七百三十

丈明寶
錄

十年浚通惠河

四月庚申浚北京通流寺四屈河道一萬七百三十七丈

明寶錄

十一年修河岸

正月庚子順天府保定縣言去年秋淫雨決河岸五十四處接

文安大城之界乞以三縣民協力修築從之

明寶錄 按行水金鑑一百六引於

河運

十二年修通州三河武清決隄

八月丁未修通州三河等處水決隄岸九月丙子武清縣言河

決要兒渡口六百五十餘丈命工部遣官修築

明寶錄

三十一年築通州等處河岸

築通州抵直沽河岸有衝決者隨時修築以為常

明河渠志

宣德二年治通州河道

戶部右侍郎王佐受命治通州至直沽河道明王佐傳

四年修要兒渡浚河西務河道修隄

要兒渡在武清通州間要害處也明河渠志三年十二月行在工部

言通州要兒渡河渡水從東注而正河淺澀請急修築從之四

年二月命隆平侯張信等督在京操備軍士五萬一千益之水行

金鑑一百七張信督軍萬五千浚河西務河道明張信傳修隄日下舊聞考引明宣

宗實錄

七年築固安隄

三月壬戌水決固安縣馬莊等處隄岸命順天府發民修築明實錄

錄

九年築運河河西務隄決口又築薊運河隄

六月乙亥右副總兵都指揮僉事吳亮言河西務東西上下水

決隄十五處乞早修築從之行水金鑑一百七 薊州河激流黃蠟錫寺

等處隄埝亦六月築張志

十年修要兒渡隄

七月己卯修通州要兒渡等處隄明實錄

正統元年築要兒渡決隄鑿通濟河修狼窩口等處隄

要兒渡特敕太監沐敬安遠侯柳溥尙書李友直隨宜區畫發

五軍營卒五萬及民夫一萬築決隄又命武進伯朱冕尙書吳

中役五萬人去河西務二十里鑿河一道導白水入其中二工

竝竣賜河名曰通濟明河渠志七月己未命行在工部左侍郎李庸

修狼窩口等處隄先是大雨決旬水溢渾河狼窩口及盧溝橋

小屯廠西湖東笆口高粱等厓隄岸皆決命庸治之至是庸奏

請工匠千五百人役夫二萬人從所請

明實錄

二年築要兒渡決口

元年正月要兒渡決二年二月敕五軍各營發軍一萬工部發
畿內夫一萬築之三月行在工部奏修隄已完又新開河乞令
武清縣復民三十家巡視其隄毋致傾壞從其請

明實錄

四年修通惠河隄

六月壬午小屯廠西隄為渾河水所決通州至直沽隄牖三十
一處為雨潦所決詔發附近丁夫修築以工部侍郎李庸董之
先是決河西務隄發順天府寶坻等縣民夫修築至是行在大
理寺右少卿李珍奉敕存被災州縣具疏請罷修不急隄堰從
之

明實錄

五年修香河縣白河隄

十月丁丑命修香河縣白河隄從知縣張嵩言河水衝決民田

被淹故也明實錄修泲縣隄明河渠志按明實錄六年正月徙

三家以礙運

七年修筐兒港等處隄

七月癸亥久雨水決武清縣筐兒港泲縣中馬頭小蒙村河西

務上馬頭隄岸三十二處詔修易為功者其功多者計費以聞

明實錄

九年修要兒渡等隄又修水屯廠等隄

閏七月辛巳工部右侍郎王佑言臣奉敕與太監阮安往視水

決河岸自蒲溝兒至泲縣二十餘處其要兒渡尤甚乞發丁夫

物料修築八月辛未固安縣請築水屯廠等隄竝從之據明實錄

金鑑一百八

景泰六年修固安縣隄

七月丙戌

明實錄

修固安縣楊家等口決隄

明河渠志

天順三年開薊州新河

二年

據明實錄

大河衛百戶閔恭奏言歲運糧薊州等衛倉越大海

新開沽河北望薊州正與水套沽河直袤四十餘里水深其間

阻隔僅四之一穿渠以運下總兵都督宋勝巡按御史李敏行

視可否勝等言便遂開河闊五丈深丈五尺

明河渠志

於附近天津

永平薊州寶坻等衛府州縣發一萬人夫委官督領明年春興

工一月人與行糧三斗仍官給器具從之

明實錄

明李敏傳

道經海口多覆溺建議別開三河達薊州軍民利之甯河關志新河在縣南一百二十五里明天順三年始鑿先是漕運由

直沽出東海由東海折入北塘口上達薊州屢被風故開此河

以避其險寶坻志新河在邑東南二百四十里許自直沽河口起至北塘河口止徑四十里明天順三年鑿

四年開黎河故道

守備薊州署都指揮僉事劉輔請發附近軍二千人開故道塞

傍流鑿平地為河者凡二里八十步深三尋廣十丈據明御史李敏承濟

橋記 按黎河亦日沽河

五年修河西務要兒渡口

七月乙丑修明實錄

成化元年浚通州河要兒渡

三月戊申朔浚通濟河要兒渡口命工部主事蔣瑄都督同知

陳達董共役明實錄要兒渡自永樂至成化初凡八決輒發民夫

築隄明河渠志

二年濬薊州河

四月辛酉濬明實錄

五年凌河

三月丁未工部奏自通州抵天津衛河道淤塞漕運不通宜疏

浚從之明實錄

六年築通州武清決隄湖白河隄壩

七月壬寅工部奏通州至武清縣蔡家口河口並隄岸被水衝

開一十九處宜并工修築從之命侍郎李頤董其役九月乙丑

鎮守密雲署都指揮僉事王榮奏山水泛溢衝塌古北口湖州

白河龍王峪沿邊隄壩請撥軍修繕從之明實錄

七年濬玉泉諸水及張家灣河道

成化中漕運總兵官楊茂言每歲自張家灣舍舟舊通惠河石

閘尚存深二尺許修閘瀆水便又有議於三里河從張家灣煙

墩橋以西疏河者下廷臣議遣尙書楊鼎侍郎喬毅相度明河渠志

七年正月

明實錄

上言玉泉龍泉及月兒柳沙等泉出西北可導

入西湖請濬西湖之源開分水青龍閘引諸泉水從高粱河分其半由水河出餘則會於城濠且令勿入三里河併流大通橋閘從其議發軍夫九萬修濬會以災異詔罷諸役所司以漕事大乃命四萬人濬城濠而西山玉泉及抵張家灣河道以漸及

明河渠志

九年浚薊州河

八年二月戊辰朔鎮守永平山海總兵官東甯伯焦壽言薊州新開沽河淤塞一千二百丈欲照奏准三年一浚事例於順天等衛起撥軍民興工巡按御史詣勘候明年三月後并工疏浚

從之

明實錄

十一年濬通惠河十二年成

敕平江伯陳銳副都御史李裕侍郎翁世資王詔督漕卒浚通

惠河如鼎毅前議明年六月工成白大通橋至張家灣渾河口

六十餘里濬泉三增閘四月明河渠志明實錄成化十一年十月

漕運總兵官平江伯陳銳等奏比奉詔疏浚通州至京河道工

將就緒請設官理之并提督青龍等橋廣源等閘及西山一帶

泉源時工部郎中陸錫服闋因以命之十二年六月丁亥浚通

惠河成自都城東大通橋至張家灣渾河口六十里興卒七千

人費城甃二十萬石灰百五十萬斤閘板橋木四萬餘錢鐵銅

油各數萬計浚泉三增閘四凡十月而畢水部備考元通惠

河成化十二年疏通之漕舟至大通橋下

後射利之徒妄假黑帑之說事竟阻壞

十三年修運河隄

七月戊子管理河道工部郎中楊恭奏水溢運河東西兩岸衝
決甚多乞撥京營官軍修築章下工部議宜移文都督同知陳
達同楊恭於通州等衛附近處所量起軍餘三千順天府沿河
州縣起民夫一千相兼隄淺人夫并工修築行戶部給行糧從

之明實錄

二十年濬薊州河

明河渠志

弘治中濬通州河

郭鉉嘗濬通州河二十里置壩

明王信附傳

正德元年修會通河

十二月己巳命戶部郎中郝海工部員外郎畢昭會同漕運叅

將梁壘修理會通河河起大通橋迄張家灣有插數座然地形

高下懸絕蓄水甚難卒不能通舟

明實錄

二年濬通惠河

修大通橋至通州閘十有二壩四十有一

明河渠志

嘉靖元年濬通惠河修五閘又濬薊州河

督運都御史臧鳳鎮遠侯顧士隆請濬元轉運通渠仍設五閘

可其奏諭尙書陸完等行參將王佐巡倉御史秦鉞管閘主事

華湘從宜處置

通州高志

又濬薊州河名曰漕渠

甯河關志嘉靖元年濬治之日漕渠

後有淤三年兩濬之此即天順三年所鑿新河

二年議修通惠河閘

三月庚戌御史向信言大通橋至張家灣舊有廣利等八厝宜

修復工部議行河道侍郎相度以聞從之

明實錄

七年濬通惠河築閘壩

六年御史吳仲言通惠河屢修復皆爲權勢所撓願通流等八

閘遺迹俱存成之甚易帝心以爲然命侍郎王軌何詔及仲偕

相度軌等言大通橋地形高白河六丈餘若濬至七丈引白河

達京城諸閘可盡罷然未易議也計獨濬治河閘但通流閘在

通州舊城中經二水門南浦土橋廣利三閘皆闌閘衛市不便
轉輓惟白河濱舊小河廢壩西不一里至堰水小壩宜修築之
使通普濟開而尙書桂萼言不便請改修三里河下其疏於大
學士楊一清張璠一清言因舊閘行轉搬法宜斷行之璠亦言
此一勞永逸計帝乃卻萼議明年六月仲報河成因疏言大通
橋至通州石壩地勢高四丈流沙易淤宜時濬治管河主事宜
專委任明河渠志夏秋久雨西山水發皆由壩河東流壩門隘小水
泄不及遂至泛漲衝決隄壩原議障水石壩今已修成通流壩
在通州城中積水丈餘西水關久浸水中俱非長便舊有慶豐
上鋪平津中壩今已不用拆運通州西水關外創造石壩一座
將前石壩南移二十餘丈改造石壩一座平時閉板水落啟洩
明實錄 帝以先期履行未卽功仲等四閱月工成子賞從其所請

明河渠志 按明實錄云嘉靖六年十月巡倉御史吳仲言通

州運河以來春興工而十一月禮部尚書桂萼疏不便帝京景

物略云嘉靖丁亥御史吳仲請修通惠何三月告成丁亥乃六

年請修之時非告成之時三月與明志四閱月異明實錄云七

年十二月河成御史顏鯨通惠祠碑記又云工始于戊子二月

成於五月均與明志異何耶 桂文襄集疏言大通橋河源出

昌平州神山泉南合一畝馬眼二泉繞出寶山復匯七里灤即

今之西湖東入都城西水門貫積水潭即今之海子又東至月

橋入內府南出都城東水門過大通橋又東五十餘里至通州

入白河此河元郭守敬由古水道開濬非自守敬創始蓋西山

諸水由皇城東出每當山水泛漲由此而洩引之入白河以濟

漕運故置橋以時啟閉初非為行舟設成化十二年平江伯陳

銳不察其故建言修復憲宗命戶部左侍郎翁世資工部左侍

郎王詔挑濬仍濬西湖諸泉以益水勢可放運船千餘直達大

通橋下既而水急岸狹水不可治遂不復行正德七八年挑濬

無功蓋京師之地西北高峻自大通橋下視通州勢若建瓴強

疏之有害無益 明世宗實錄上以桂萼疏示大學士楊一清
張總一清言通州河因舊開行轉搬之法可以省運軍之力宜
斷行之理亦言通惠河道經元郭守敬修濬今開墾具存臣聞
京城至通州五十里地形高下五十尺以五十里之遠近攤五
十尺之高下無所不可濬甃山濬以蓄西山諸水引神山泉以
合下流之歸紆週以順其地形因時以謹其濬治此一勞永逸
計也成化十二年平江伯陳銳建議開修北河憲宗皇帝命大
臣督理而河道已通運船已至城外適有黑眚之異惑于訛言

遂止識者恨之今欲開修北河因仍舊道誠易耳上深然
言七年十二月通惠河成明會典大通河舊為通惠河長一
百六十餘里元初所鑿永樂以來不以轉漕河流漸淤成化正
德間累命疏之功不果就嘉靖六年遣漕運總兵錦衣衛都指
揮及御史會濬之用銀七千據顏琮通五閘各設橋夫一百八十名行
金銀一百
五十六

十一年築要兒渡等決口

二月修明實錄

十二年治香河郭家莊新河

香河郭家莊自開新河一道長百七十丈闊五十丈近舊河十

里餘詔河官亟繕治明實錄

十五年修薊運河決隄

河決命水部役夫萬餘築之功以三年畢詳下萬曆六年注

二十年築永鎮隄

在昌平鎮邊城北門外巡關御史蕭詳曜築遏水患也據昌平宋志

三十四年開密雲白河故道

二月丙子總督薊遼保定軍務都御史楊博疏請開密雲白河以濟糧運於楊莊地方築塞新口使白河故道疏通與海潮之水合於密雲城西修築泊岸從之明寶錄

隆慶元年修河西務等處隄

六月乙未修河西務馬營道口等處隄岸以水災衝決也明寶錄

二年修開河

開河卽吳仲所修通惠河也二年工部郎中崔孔昕督通惠河事濬淤修閘壩凡工五萬四千有奇銀二千四百有奇三月興工四月竣明戶部郎中蔣凌漢重修開河記略由裏河抵張家灣入京嘉靖丁亥世廟用吳仲議循郭守敬故蹟修復開河但地勢有高下更歷歲月不無沙衝水激隆慶二年工部郎中崔孔昕奉命督通惠河事視事決旬徧閱閘壩見開

口開底隄岸公署漸湮圯攸州屬材官分董其事自都城以南日大通橋日慶豐平津上下普濟通流五開日石壩日土壩募役夫匠五萬四千有奇工價料銀二千四百有奇程始於隆慶二年戊辰三月至四月告成明年十二月乙丑總理河道都御史翁大立言治河之役宜以調撥夫役收發椿草屬部臣計處錢糧追徵工食屬兵備令畫地責成則河工可計日就工部覆議以蒙村蔡村要兒渡等村隄岸河西務上下淤淺屬霸州兵備會同通州郎中經理從之

明實錄

四年修密雲縣舊壩西壩濬順義縣河

自沙峪溝至西門外名舊壩凡六百丈有奇至城北名西壩凡三百五十丈有奇自唐家莊至西河名河西壩凡百丈有奇各高三丈明中丞劉應節都護戚繼光知縣邢玠中軍張爵徐枝副將張臣董一元同築後圯于水

密雲縣志

順義知縣曹惟彩濬

河据順義

黃志

六年疏密雲縣漕河濬昌平河

總督侍郎劉應節等言密雲一城環控潮白二水向二水分流

至牛欄山始合今白水徙流西城下去潮水不二百武前於城

東北業築三合土隄近且疏渠於上填壩於下邀潮入白合為

一派明實錄報可明劉應節傳昌平河起鞏華城外安濟橋抵通州渡

口袤百四十五里其中淤淺三十里大濬遂成流通明河渠志

萬厯前修香河縣隄

隄圯香河縣管河縣丞范希文修之濬淺據香河縣志

元年疏濬鞏華城外舊河復白河淺夫

三月戊申令昌平兵備僉事張廷弼疏濬鞏華城外舊河廷弼

原勘河通可省陸運及運船至淤塞不前挖運司官楊可大以

為言戶部奏行廷弼速濬之明實錄先是通州至天津淺鋪九十

五鋪設淺夫十小甲老人一有歲工後革至是復之治水道入

白河至張家灣源出密雲山後詔流五六月水漲則流沙三四

月行舟輒膠非無水也蓋頭年漲漫沙平河則淺耳余復夫

老歲濬之以待次年春夏之運運畢水溢流沙復平九月復濬

蓋歲工也通州至天津為淺鋪者九十五鋪設淺夫十名小甲

老人一名每歲水溢沙平則浚之百七十年河臣以淺夫為

引夫有司革淺役為民役白河不治久矣萬曆元年復之

六年修薊運河隄濬新河

築隄七十五里補舊百二十五里築決口六十五所計一十四

里凡二百十有四里又濬新河自柳子口至嘴頭二十有五里

會漕渠達于海明戶部郎中甘來學修河隄碑記蘇州夏秋雨

渠隄一圯則城子口激溜等處決不下六十餘所嘉靖十五年

運河決命水部築之役顧永二府夫萬餘運通庾糧數萬石為

工之餉以三年始畢然治漕渠以疏蘆嶺各塞口而不開新河

以殺盤山沙岑諸流則近漕渠之貳免矣柳子口之西溢而南

漕隄能力捍之耶萬曆五年秋大水柳子口河四野泛流不能

引注于海西南畝盡蒿草時北海辛公以大參監司薊鎮下之

州讓薊守蕭君以州同社欽州判史勝願肩其事夫以畝出得

若干名漕之隄新築七十五里補舊塌百二十五里築決口六

十五所計一十四里共二百十四里新河因地勢汗下創濬之
自柳子口至嘴頭共二十五里復與漕渠會流同注于海州民
劉忠彥等四十五戶黎隄若干丈吳守奉王安等七百四戶新
開河若干步宋守林李天欽等四百二十戶所領荒地若干頃
畝各給以印斯此河此隄期與西南民世世守之隄圯河塞世
世修之所領地得世業焉青甸之橋亦信民力以成辛名應乾
山東安邱人蔣名士元南直宜興
人時萬厯六年夏六月下旬六日

十一年以前塞寶坻縣三岔口

三岔口為薊運河之橫逆知縣丁應詔槌石塞之据張兆元三岔河隄記

十五年設楊柳河防浚河西務池築隄

按河防險要云萬厯十五年創設管河通判駐楊村為修防計
但沿河兩隄如搬唇口火燒屯通濟廠東要兒渡口王家務華
家口閻家口綿花市豬市口觀音堂蔡家口桃花口隄岸坍塌
卑薄最為險要水發即決應督管河官每歲冬間辦積椿草春
初率夫將前隄加高幫厚真土實杵不得雜沙糧運將至設法

疏濬或築束水小壩行水金鑑一河西務南卑下權河西務地

官郎袁表浚池蓄水廣百餘丈築隄曰桃柳隄明王機桃柳隄記略河西務城

南隅地卑下不可樹蘇木至則街衢室廬淹沒無算萬麻丁亥權河西務地官郎袁公表捐資浚池蓄水以防汎決廣百餘丈

仿蘇公四圍築隄間桃柳樹

二十二年濬通州新城濠引通惠河注之

詔濬三千三百丈有奇畿輔唐志通州新城在西城外萬麻二十二年戶部郎中于士廉周視兩城隄

並可為池請引通惠河注之詔濬三千三百餘丈加深二尺許廣視深四倍

三十一年濬白河築隄

從工部議挑通州至天津白河深四尺五寸所挑沙土即築隄

兩岸著為令明河渠志

萬麻中築河西務隄密雲縣隄

河西務重築河隄穆泳黃圖雜記密雲隄東隄三百五十餘丈西隄一

百餘丈高各三丈五尺

余有丁密妻疎柯記

天啟元年濬通惠河

閏二月甲申巡按直隸御史張新詔言通惠河平江伯陳銳疏之直達大通橋時勢豪欲剋取腳價壞其事後御史吳仲言乃命郎中何棟吳嗣忠仍濬裏河由大通橋至朝陽門尙有三里許其地平行閒曠有掘就河身倘導玉河之水稍溯而北至朝陽門量建廡座糧運徑於門下上車歲省二萬六千以三十年通計得七八十萬詔部議覆

明實錄

清河

順治十二年修文安縣隄

隄泆文安知縣韓文以帑修之凡四萬三千步有奇

文安楊志十二年韓

邑侯文築隄先是九年夏甲子雨四十日十年河決隄全塌十二年侯同都水使者領帑鳩工歷春徂夏成隄四萬三千餘步

康熙三十二年修復霸州苑家口隄

舊隄圯修復之據會典事
例七百一

三十七年築

欽隄

隄自何家道口至苑家口西止二千八百四十七丈九尺自苑

家口起至蘇家橋長五百六十丈五尺均頂寬一丈五尺至二

丈底寬五六丈高九尺至一丈據霸州周志
又苑家口疊道
在州東南南接
千里長隄北接

六工隄長二里五分會典事
例七百一

三十八年濬中亭河修六工隄

中亭河水退則涸康熙三十八年開挑上接十望河下接臺山

河分玉帶河水六工隄在保定縣北霸州南中亭河北岸也上

接老隄郵霸州
周志三十八年總河王新命開挑中亭河築隄上下

各六工唐志自霸州東關龍王廟至平口邨長六十里是為上

六工自平口邨歷水利營田西北至楊各莊西田家口長二十

里有奇是為下六工凡長八千六百九十丈高七尺頂寬一丈

三尺底寬三丈霸州周志歲輔唐志上六工距河稍遠以護

員每歲按里出夫隨時修補後隄工殘缺而下六工無復遺趾與積淀連

三十九年修清河隄

修清河及子牙隄長千五百二十里有奇據會典事例七百一

四十年開老君堂小清河

牝牛河居琉璃河上游老君堂邨斜向竹絡壩五里開小清河

一道修壩將牝牛河水逼入永定河四月初十日

諭若牝牛河水大長即將旁邊挖開令向舊河流若永定河水大

長著做埽以防倒漾康熙四十年四月工部咨覆直撫李光地疏稱三月二十日郎中佛保咨奏琉璃河永定

河之間有牝牛河一道源自西山佛耳門戒壇太子峪起三股
河流匯於石陽邨至佟邨入琉璃河永定河竹絡壩斜向西北
五里有老君堂邨對此牝牛似應修壩三段將水逼入永定河
開挖小清河一道等因奉 旨交與分司等照此修理朕
著這樣修理之處傳旨與巡撫李光地著前來看欽此臣至老
君堂看視牝牛河復至琉璃河辛莊等處看視牝牛河居河之
上游至老君堂邨斜向竹絡壩五里挖河修壩工程甚易為力
俟永定河將乾時將牝牛河水逼入永定河接濟衝刷應聽分
司等勒限完工 永定河志十五康熙四十年四月初十日分
司色圖渾齊蘇勒口奏臣等仰遵 聖訓將牝牛河堵塞
對永定河開挖修建草壩於本月初入日放水引入永定河其
沙隄挖斷口處及大河塞入水口處俱應下掃保護防渾水倒
漾現在捲作大掃以備急用應派
人看守等因告訴郎中佛保轉奏

雍正四年重修

欽隄開勝芳河濬中亭河十望河又開口頭邨引河又開牝牛新

河

自康熙三十七年築

欽隄後幾三十年日圯遇漲決溢今自清苑以下文安以上凡隄

低薄缺處加高增厚建閘設壩鑿以椿葦堅以夯礮又開張家
嘴勝芳河俾不會玉帶諸河侵嘴隄根苑家口河逼每決濬中
亭河十望河洩其漲柴火淀在其上游急流衝隄開口頭卹引

河掘張青口毛兒灣導歸中亭以固

欽隄提會典事例七百一四年十月和碩怡賢親王大學士朱
口橋隄疏濬中亭十望并蘇橋之三岔舊河部覆奉奏請多開引河加修趙北

依議在案今西從之趙北口隄身俱已堅築如式廣惠寺橋下

三河亦均加疏濬惟是白溝之流出大灣口而入柴火淀者水

狹流沙旋挖旋淤容於水涵後細加相度改道舊流不惟一方

承逸即柴火淀四十里之間皆營田地矣東淀之中亭河開濬

通流其下流勝芳河亦挑挖深暢三岔經流導自張家嘴而北

不令侵逼長隄其淀內支流如石溝臺頭一帶淺阻之處俱經

浚治汎水雖大隄岸不患衝刷消落迅疾早於去秋者兩月中

一亭河岸濶出田畝千餘頃惟十望河故道積潦猶存興工有待

欽隄一道回環千里久圯奉旨命臣等修築自

保定之清苑至河間之獻縣派委人員逐段分修六月間汎水

驟至飛檄各員并力搶護舊有漫口一并堵築其安州新安霸

州文安一帶隄工兩面皆水尤為險要夫役撈取泥壘尺積寸累及時完工數百里內禾黍杭稻盡獲收穫又怡賢

親王請開牯牛新河據續補牯亦作莽會典事例卷七百一云

奏莽牛河為白溝支津雨潦則溢而東決日久衝溜自成河形

下無所歸泛溢為固霸諸州邑患潘良鄉以南涿州固安霸州

等處百七十餘里至高橋以下導之入淀

五年開下河門引河又潘中亭河修下六工隄

罷十望河之役自口頭對岸之下河門挑引河一道分玉帶河

水注之中亭河霸州周志先是四年議潘中亭河自保定縣北引流

至霸州東臺山入清河復開支河築下六工隄五年工竣一統志

正四年疏濬深廣自保定縣北引流至州東臺山而入會同河

復開支河以廣灌溉築下六工隄長四十里霸州周志雍正

五年重築下六工隄

又疏潘牯牛等河
胡李堂奏牯牛河黃家河北郵引河間段淤積金門開洩水不

暢應先挑挖以資宣導据會典事例七百一

允之至是工竣据采訪册

六年濬牯牛河

自良鄉縣竟開下起工分五段一千九十五丈至涿州竟起陶家營工分七段二千六百一十一丈至宛平竟起長安城工分二段九百八十丈至固安縣竟起米各莊工分十九段一萬二千七百四十九丈四尺据畿輔安瀾志

十六年築巨馬河隄壩

涿州北關外巨馬河水勢旁洩不能全由故道行走與關廂居民橋座均關著重於北潭邨頭築土隄十六丈挑水壩一道長四丈攔河壩長五十丈壩尾接築土隄一道二百十丈工尾掃溝喫緊之處至涵洞止接築土隄長四十五丈再於兩河全流

處挑挖引河三段共長三百丈

會典事例七百一

乾隆二年修千里長隄濬支河

清河隄初名

欽隄至是始名千里長隄周迴于順天府及保定河間之竟沿河

繞淀築高培厚底寬八丈頂寬二丈高一丈作坦坡形又濬支

河資節宜也

會典事例七百一二年奏准直隸清河隄岸起清苑縣界迄獻縣之臧家橋周迴于順天保定河間

三府之境沿河繞淀為數十州縣生民保障名千里長隄築培

高厚底闊入丈頂闊二丈高一丈修成坦坡之形兼疏濬支河

以資節宜瀕河郵莊增建板橋嚴禁攔河壘道橫決中流俾支

河暢流滿洲名臣傳三十七乾隆二年九月大學士鄂爾泰奏千里長隄隄隸霸州保定文安大城境者最險今年風浪摧壞擬于淀口出口處至陶家營築培隄工照底闊頂突法修坦坡形龍堂灣轉角處補築月隄疏

大堤對岸支河禁攔河壘道

三年開支河濬中亭河築隄開西淀白溝河故道使入中亭於九橋之下橋南別疏一河由

藥王廟南出張青口濬青門河由毛兒溝開口從十望河故道
別派分流濬中亭河卽以土築隄金門關之西引河改由東道
使不入中亭於苑家口壘道建木橋洩水道行則西淀咽喉暢
矣濬東淀三叉淤淺楊家河卞家窪諸處疏淀河數道竝行而

東會于西沽則東淀尾閘亦暢

會典事例
七百一

五年濬東淀河

寶坻縣東淀等莊眾水匯歸開河疏濬消積水也

據會典事例
七百一

六年塞霸州牝牛河道

霸州周志郡有牝牛河一道乾隆庚申用洩永定河水民受其
害於辛酉春堵塞光緒元年新雄諸邑苦金門關水復以牝牛
河請委員勸議崔預續同
百餘都稟請停工遂獲免

七年加倍上六工隄

據霸州

周志

十年濬牝牛諸河

先是九年協辦大學士劉於義等奏河溝諸水會牝牛歸于巨馬但河淤致溢應將良鄉上游宛平房山各河溝用民力疏入廣陽茨尾二河其宛平之北岡窪趙新店及房山良鄉之順水河雅河良鄉之黃屯河廣陽茨尾二河良鄉涿州之牝牛正支河均應挑濬十二月丙午大學士鄂爾奏等議如所請

報可據東華續錄乾隆二十參采訪冊漢名臣傳乾隆九年劉於義奏濬宛平良鄉涿州竟內牝牛正支各河按奏議在九年而疏濬實在十年

十一年濬霸州王各莊引河

即清河支流十一年因舊河重濬霸州周志

二十六年疏牝牛河修千里長隄

霸州永清固安三州縣疏牝牛河用銀一千六百三十四兩五

錢八分五釐永定河志十修千里長隄霸州周志

二十七年加培下六工隄

据霸州周志

二十八年濬牯牛河清水溝廣陽茨尾河修千里長隄

涿州濬牯牛河用銀三百二十二兩三錢良鄉挑清水溝用銀

八十七兩一錢二分挑牯牛正河廣陽河茨尾河用銀三千八

百十二兩六錢六釐永定河志十修千里長隄霸州周志

二十九年築涿州巨馬河隄濬王家莊引河

巨馬河決霸州西疇為西鄉諸邨患團柳邨尤當其衝知州吳

山鳳于西疇之西築隄導水由松林店房樹邨紆流故道吳山鳳涿州志

乾隆二十九年西疇林之西巨馬河決水流界道橫岐西疇而

濟直注永濟橋山鳳捐俸築隄導水由松林店房樹邨自西而

北閱月隄成董寧者州判陳志緯吏目顧森經始張存性西

疇新築河隄碑記巨馬河自房山人州境趨永濟橋下城坊蔣

家莊陶家屯邊家莊甯都展臺李家莊丁家莊徐家莊茂田莊
賈都均有汎溢之虞園柳都獨當決道乾隆二十九年漢陽吳
宇是邦築隄導河曲流就王各莊舊引河濬之據霸州
周志
由松林店仍歸故道

三十三年修文安窪東隄

文安窪東未修之隄並格淀隄汕刷殘缺照以工代賑例加修

會典事例
七百一

三十七年修千里長隄

先是三十六年十二月總督高晉等奏築隔淀隄千里長隄估
銀六萬二千六百餘兩奏詳永定
河工注至是工竣按霸州周志一云
三十六年非也其

奏在十二月其
年未動工可知

嘉慶五年修霸州隄

所修為千里長隄六郎隄六工隄營田東隄南隄據霸州
周志

十一年修千里長隄

上 据同

道光三年修千里長隄西隄

文安縣西隄決口二千里長隄決口十有九得

首修築

謹按二月 恭錄于牙河 論

十二年修千里長隄六郎上下六工隄營田隄

霸州知州姬均修

霸州周志

同治八年濬挾活河

河淤府尹萬青藜議令良鄉涿州房山會濬之

据良鄉陳志

十年修千里長隄六郎隄上下六工隄營田隄

霸州知州周乃大修

霸州周志

十一年濬涿州呂邨河口濬良鄉縣雅河又塞霸州決口築隄濬

渠

呂邨河在馬頭鎮下為巨馬琉璃合流處據圖册二月直隸總督

肅毅伯李鴻章檄涿州知州郝聯薇濬之閱月工畢長五百丈

有奇據涿州志又濬雅河先是雅河運水碾屯西入牯牛河同治

十年永定河溢雅河道淤水改南趨逕管營邨始與牯牛河合

十一年知縣高建勳借民力濬之築隄尋復淤隄亦冲刷據良鄉陳

志三月塞霸州大清河之千里隄苑家口諸決口又修六郎隄

中亭河隄楊家河隄築埧建閘先是二月塞牯牛河決口四至

是築隄濬淤又濬古運糧河又濬灌田渠霸州知州周乃大稟

河自茅兒灣經保定縣入州竟一名玉帶河經苑家口日會通

河通行橋梁日永濟橋至文安蘇橋之三岔口入東淀河身現

在通行南岸日千里隄自保定縣魯疇邨入竟去年決口長一

百五十二丈屬保邑者五十四丈屬州者九十八丈深四五尺

至丈餘不等沿河邨夫運土隄外有田護田有埧土人謂之河
坡是為隄之外障告保定戴令與劉家園決口外之小埧同時
補築凡屬州者業已整理隄缺處一律加高培寬北岸向無堤
一片汪洋由邨家店伙缺口入正河將來可以堵塞苑家口北

岸缺口已堵六郎隄者所以障清河之溢自新成縣鳳林莊韓家莊陳家柳村胡家灣經齊家埝凡二段入州老隄而止計三千四百一十三丈現已興築移知新城吳令同時興工河旁之隄自老隄邨以下即名中亭河隄矣一日牝牛河北自良鄉涿州固安入州竟良鄉石羊邨之東又有支河三十餘里其分入州竟之區名王邨在城北二十六里經苑坊關王堂至東西栲栳園入中亭河統歸文安大窪名王家泊核計南北河身長三十五六里東西夾河之隄去年決口四處二月下旬已堵塞現已一律興築下流關王堂以東否塞甚崔家墳之旁淤而高亢者五十七丈亦分段開通一日黃家河在固安永清霸州之境同洩永定之漲由永清李家口入州竟四間房邨至田家口而出竟統歸文安大窪約長四十餘里河身幾與隄平下流采木營之前淤亢尤甚如永定漫溢詢悉最險之區自青口邨以北直至田家口凡一千三百餘丈已諭邨莊分別要工緩工照修伏查牝牛黃家二河皆永定下口無事則為乾河漫溢則為要道同治二年後大旱五載永定之流不絕如後去年永定南侵清河北溢而滹沱復縱橫其間災及全竟今春告誠士民開至固安河在固安者四十五里接金門關紳耆云牝牛河係與良鄉涿州固安同洩渾水黃家河係與固安永清同洩渾水鄰邑廳廳平原半無正道州竟丈餘河身豈能獨容巨浪不如盡境而止一日中亭河康熙三十六年河督王新命開以洩玉帶異漲河頭在下黃亭一名下河門上黃亭屬保定至栲栳園入牝牛河合流經三臺山邨東臺中臺西臺長二十九里以下名上下六工隄即中亭尾閘經花達墓十間房統歸文安大窪上

口於壅者二里大水則正河旁注清河北來立談之頃盡淹邨
莊與新城相接有場家河隄僅存基址先議堅築以防青凌口
之遺害下黃亭口擬建石閘一座正河水漲則閉拒其橫行時
旱則開資其挹注至中亭玉帶中間邨民私築小埝有礙河道
已令拆毀魚殿高各莊臺山平口等邨曾引河水灌田澆至魚
廠邨莊下仍洩入本河園埝渠開亦擬訪尋整理臺山下有
古運糧河一道長四里與正河通現淤亦宜濬深河水外高內
低又恐倒漾將來築壩臺山以下淤平者急須挑深以歸東淀
隄坡盡令斜坦坡隄上盡令種樹請六月涿州知州石衡疏濬
以賑餘息銀三千二百兩充河工費

清河一段築堰起西茨邨至小營邨長九里四分据同治十一年七月涿州

稟固安知縣楊謙柄亦修清河隄尋以漫溢止据同治十一年八月固安稟

十二年濬霸州文安縣中亭河

直隸總督肅毅伯李鴻章檄候選知府史克寬與霸州知州勘
濬起霸州下皇亭清河減水口至文安縣界王家泊四十六里
有奇又自王家泊至傅莊勝芳淀十九里工長一萬二千八百
九十丈有奇面寬七丈至八丈四尺底寬二丈四尺至三丈六

尺深八尺至八尺四寸有差邨或瀕水輒側開引河三月興工

五月竣 據霸州册 直隸總督奏略臣前因大清河隄於地勢

九月間曾於預撥庫款以工代賑摺內陳明在案中亭河起自

下皇亭以減霸水保定一帶大清河之水又上接盧僧河全派

之水盧僧河者新城雄縣竟內大清河上游之減河也其尾閘

直達中亭相與合流經老隄龍門臺山其村至文安縣界穿王

泊荷花淀歸東大淀是中亭河實為大清河分流下趨東淀要

津關係霸保文雄全局且北有牝牛河攔腰匯入附近窪水復

相逆注必須寬深通暢方資容納乃歷久淤塞其王家泊以下

被永定河壅淤已成平地大清河本極淺狹又失此一大分流

是以盛漲一至四出旁溢為害滋深近年滹沱北徙永定南決

併入西淀大清河而東秋冬之際霜保之閒往往浩瀚無涯民

歎其無鄰皆為望 臣乘舟往來津保沿流溯源熱籌相機疏導
之法因飭清河道葉伯英勸辦僧及西淀上下游隄河各工
即派營務處委員候選知府史克寬與霸州知州周乃大勘修
中亭河飭籌賑局司道於節存捐款及練餉錢生息項下陸續
籌撥工費三月開工築壩洩水分段堵疏用分格道挖法分段
挖濬上游之吳台窪下游之淀泊積水相連隨岸隨挑泥淖太
深之處撈挖尤費夫力計長一萬二千八百九十七丈有奇面
寬七丈至八丈四尺底寬三丈四尺至三丈六尺深八尺至八
尺四寸不等其河在邨中有礙兩岸民房不能展寬者則從邨
旁添開引河其河在淀泊中不直口寬而宜底寬者則易寬為

保仍將各段所出之土考證舊址堆築隄埝五月十六日完竣
河身通暢隄埝高厚委候補知府徐本衡前往驗收工段丈尺
相符現已開墾放水盧信河
下半工程即可接續挑挖

光緒元年濬古運糧河

此即清河北支流也在霸州蘇家橋直隸總督肅毅伯李鴻章
令天津中營游擊陳本榮濬之長十里需銀二千六百兩給帑
十之五足自民輸據霸州册

二年濬清河中支修霸州蒼兒淀等隄

又令陳本榮濬自霸州下馬頭至崔家窰一千四百丈有奇面
寬四丈底寬二丈深六尺是為中支即以出土築清河北岸西
北斜隄又修蒼兒淀隄明年南北隄坡植柳六萬一千二百据霸州册

霸州册

四年濬巨馬河建石壩

直隸總督肅毅伯李鴻章檄候補知縣崔迺翬勘築涿州普利

莊決口建石壩濬新河又濬舊溝起花園邨至青岡長八里北

引白玉塘泉水灌田据霸州稟采訪冊光緒五年碑水利委

道均經開工發帑復思此工成難毀易一濬新河宜禁攔河閘

壩邨北旱田不願洩水復有水深處種藕抗租請築壩建閘冀

窪田之水過入高田不願上流為壑查大邵邨上流小邵邨又

其上流花園邨節節就低相懸三四尺形同釜底卑職駐工目

擊大邵邨高田壅水不下則上流皆魚鱉矣借洩水之渠作溝

水之壑利在數家害在數邨此段地畝原有老溝北引白玉塘

泉河之水可照舊開通作灌田用即須南新河水亦可任旁設

立涵洞用水車轉注一新築石壩應禁盜掘卑職遍歷涿州西

北諸邨訪普利莊決口原委僉稱莊東南里許有老壩同治十

年大水沖沒曾經被水之二十一邨堵塞一次經南岸西里他

民張七平毀復訪十年後巨馬河自普利莊北溢不復歸槽其

石勒
六年築涿州巨馬河土埝濬淤

涿州知州查光泰築州東南之小神廟土埝七十餘丈濬永濟

橋下淤

据光緒七年查光泰稟册 餘詳下注碑記

七年涿州巨馬河築斜隄石壩

大學士恪靖侯左宗棠飭營務處道員王詩正率將士於涿州

永濟橋涿河築斜隄百丈經直隸總督李鴻章犒銀二千兩又

赴下游霍家場盧家鋪曹家場安家墳裁灣取直工分十段長

六千一百丈有奇十月一日工竣其上游飭前福建布政使王

德榜于丁家灣等處鑿渠伐石築壩五其取石法四圍鑿孔以

火藥轟取舉手之頃數日運之不盡碎石則以燒灰恪靖侯左宗棠奏臣

前於夏間至天津與李鴻章會商修治永定河工程已於閏七月十三日

道員王詩正會稟涿州永濟橋濬河築隄閏七月十三日工竣

北面修築三合土斜隄一道銀券加工隄長百丈高與橋齊永

濟橋達胡良橋驛道低窪培厚加高請委員覆驗當咨請李鴻

章會委涿州知州查光泰委員百沈孔慶篤等履勘驗收旋據該印委希報工程堅固堪耐久遠李鴻章犒賞銀二千兩弁勇歡躍隨赴下游列帳興工王詩正會商永定河道游智開及地

神前甘肅提督曹克忠等履勘形勢由霍家場逕向安家墳一
 帶裁灣取直自三號起至安家墳南止分作十段估計通工長
 六千一百餘丈土方四十六萬有奇挑出之土平鋪兩岸三十
 丈外酌留缺口以洩盛漲其由下湧流而上自第七段對蕭莊
 郝南至第十段對安家墳南工尾止估土十二萬五千餘方指
 由王詩正承辦稟請李鴻章加委會勘興工王詩正分段承辦
 計自八月二十九日起至十月初一日工竣時寒風凜冽刺骨
 砭肌而諸將士併力工作獨任其難聞臣新承 恩命總督
 兩江更加奮勵各自行期迫不獲與俱也故原勘三月工程一
 以補不逮蓋恐南行期迫不獲與俱也故原勘三月工程一月
 遂已告厥現已收隊還派敏速如此非臣始願所及此王詩正
 督帶親軍修治永定河下游之實在情形也永定河上源工程
 則分由王德榜及臣軍委員冒沆督工修治直隸委員鄒振岳
 孔慶篤等佐之王德榜帶恪靖左營由盧溝橋溯源而上應石景
 山三家店曲折入山越乾陸年間所遺沿河口珍瓏壩廢址於
 距都門二百餘里地方傍嚴浩流而下勘得峽中應建石壩共
 有五處地名下尾店丁家灘車子崖水峪嘴琉璃局小嘴孰地
 有石砌壩壑渠各壩隨山逶迤長可一千數百丈繪圖貼說親
 資前來臣覆核無異比飭移營開工並於涿州房山選募石匠
 二百餘名助役八月二十日王德榜拔營行至丁家灘下尾店
 併力合作成壩五座茲當初冬和煖工作如常向後山谷合凍
 石工雖可忍寒土工則致力殊艱必俟明年凌汛前後始能一
 律蒞事而順天府轄宣化府轄沿河各郡莊農民目觀此大壩
 工慮左營將隨臣南下請留王德榜廣修水利央地紳戶部主

事梁作舟守禦所千總崔清華國子監算學生安廷璋等聯名
赴臣寓遞呈稱該郡莊自嘉慶六年後被水成災牛成石田半
成沙阜歷年已久積困未蘇雖屢荷 皇仁頻年賑濟而丁
口日繁謀生無術茲見王德榜丁家灘等處渠壩工程化砂磧
為膏腴若推廣行之沿河十餘鄉可得沃土二十餘萬畝美利
無窮詢以治水必藉歲修貨力該紳等亦念及此否答稱有沃
土二十餘萬畝接畝取制錢數十文可獲大錢萬數千緡以之
挑淤出土自無不給其言似有可據當諭以客軍修壩開渠意
在除患至引灌田畝謀及久長全賴地方官經理凡事利害相
因如爭水而釀成訟果或貪水而掣動大溜皆意中事客軍雖
不任德亦不能任怨該紳農等應呈請順天府直隸藩司核示
遵照乃免後悔至壩渠工程浩大客軍當一律承當已預飭於
凌汛前後收功矣該紳等均能領悉臣擬一面咨請李鴻章委
驗下游工程明春再會商童華游百川委驗永定河上源工程
庶臣經手分段承修事宜得有歸結所有治河經費已咨明楊
昌濬劉錦棠飭陝鄂糧臺將劉璣及旌善馬隊餘餉照常起解
截至本年十二月止尙可有盈無絀俟上源工竣仍由臣核實
報銷以免軫轉至涿州永濟橋各工及此次永定下游與上源
工程實直隸官紳士民商旅所共見聞堪成永利在事諸員及
各將士實心實力踴躍趨功微勞足錄擬彙列清單咨請李鴻
章童華游百川於驗 明收工後照請保獎 先是五月二十一日

慈禧端佑康頤昭豫莊誠皇太后諭恭親王醇親王會同左宗棠

及直隸總督李鴻章兼管順天府府尹董華等辦理河工水利至

是醅親王驗工犒以神機營存銀千兩和碩恭親王和碩醅親王奏本年五月二十一

日臣等欽奉懿旨會同左宗棠及直隸總督李鴻章兼

管順天府府尹董華等辦理河工水利事務所有直隸歷年修

治諸河情形暨左宗棠所部扶潘涿州河道並分辦永定河上

源下游各事宜均經李鴻章左宗棠隨時陳明各在案伏查下

游工作已由道員王詩正協同直隸兵勇挑潘葺事繼此防護

得宜可免倒灌泛溢之患上游係截水淤田利害兼顧其工尤

為突重臣奕於察看神機營水確造藥局之便於十月二十

日帶同全營翼長副都統榮貴文案翼長員外郎枝椿暨委員

傅洪等取道協和洞至丁家灘地方周歷詳查所有築壩分渠

等工與左宗棠原奏均屬相符河邊間有認種之民闢成田式

以待培墾者並細加采訪該處居民僉稱王德榜馭軍有法兵

民相安其火藥礮石皆擇荒僻之區於百姓田廬墳墓絕無窒

礙臣奕親見其轟取數處舉手之頃數日運之不盡大石築

壩碎石燒灰既省掘鑿之勞復免挽運之費其功效實不止事

半功倍已而飭該布政使以下各段工作務照此認真以竟全

工並提神機營存款一千兩由臣等札飭王德榜分獎勇丁夫

役第查直隸全省之大河道之多所患興利之處原不止永定

一水左宗棠擇要而圖洵稱深算李鴻章素以河務為念籌畫

極詳雖限於經費不克大舉而每年補偏救弊之勞已屬不遺

餘力除左宗棠所部工作已由該大學士奏明移交李鴻章等

分別查驗外相應恭請

楚旨飭下李鴻章順天府兼尹

府尹已成工作務隨時修治勿令久而頽廢認種之民偶有爭訟務妥為化導持平辦理小民不至願忘裹足則已闈之田即不致廢為曠土此外可與之利何處試辨應由該大學士等隨時查明次第

奏請舉辦

慈旨恭親王奕訢親王奕譞奏察看永定河工作情形一摺直

隸永定河下游工程業經左宗棠督飭所部按照分派地段挑濬

葺事其上游一帶現已將築壩分渠等工逐段次第興辦地方相

安河務可期就緒此次已成工作著直隸總督順天府府尹隨時

認真修治裨益農田毋任日久頽廢此外應行修濬處所並著李

鴻章等查勘奏明辦理以興水利而裕民生

八年王德榜呈恭親王顧親王稟奉王札

將已成各工計可淤田若干畝鴛山嘴以下應治之河何處為

先可淤之地何處可辨踏勘稟覆等因查鴛山嘴以下工程德

榜十月十六日接奉左中堂鈔錄奏稿行知沿河居民央請地
紳戶部主事梁作舟等稟留德榜廣修水利一案德榜因思下
尾店丁家灘水峪嘴之西河灘車子崖之野西河灘城子祁五
處渠壩各工所需經費左中堂早已籌畫若添辦鴛山嘴以下

渠塲工程十分浩大需費甚鉅是以稟請左中堂示遵始敢舉
辦比蒙左中堂面諭如果李中堂札飭該司辦理我軍可一力
承當至於經費我自當籌給等論事後月餘未奉李中堂飭札
之文德榜當即稟商李中堂隨於十二月初八日奉李中堂函
示飭勘鄂山嘴從前所建之永定壩並囑順勘小清河灰壩金
門閘等處後便道來省一會各等因德榜遵於初十日輕騎減
從由鄂山嘴順流而下詳細勘明十五日到省稟見當蒙細問
情形並問與復鄂山嘴永定壩需經費若干可灌淤地若干如
以該營辦理幾月可以竣工惟思該處築壩本可分永定河之
流其險工固屬可減而大清河添此一水難免不為患於雄燕
番州等處况兩利相形則取其重兩害相形則就其輕似此不
可不慎之于始以免悔之于後我故請爾來一商以定可否則
後舉行等論德榜稟白中堂慮事周詳令人欽佩然興復鄂山
嘴之永定壩并城子邨之壩原係本處紳民恐德榜率兵隨左
中堂南下是以稟求兩中堂及順天府尹飭令德榜辦理至城
子邨一處早經左中堂奏明飭德榜辦理其鄂山嘴一處係紳
士所求今蒙中堂委勘不恥下問特將履勘情形據實為中堂
陳之查盧滿橋以下河隄僅高河水四五尺或七八尺不等其
河隄雖年年加高培厚而河水已高兩旁地畝已有二三丈不
等萬一伏秋汛漲即啟灰壩金門閘二口分瀉永定之流其渾
波急湍由高而下橫可選大清之流若永定河水稍退照章將
灰壩金門閘封閉則渾流已入大清河停塞其中且查大清河
水性又緩不能沖洗其淤每多散漫橫流時有傷害田廬之患
至鄂山嘴一帶建壩地居上游水性就下又係挾淤而行其水

於地極肥果能從南岸原掘挖渠使渾流層遞而下將見百餘
 里地畝沙磧可淤可灌約得田二三十萬畝似此一可消永定
 之淤二可清澗宛平良鄉涿州三屬地畝其利甚溥此平日涓
 滴細流有利無害非比汎漲漫隄啟閘之爲患也至若接近南
 北隄之地若隄旁節節開留涵洞使其平時涓涓而出亦可淤
 地灌溉並可使永定河之淤有減無增河隄日見其高則河水
 日見其低耳一遇汎臨之時責成河員將涵洞即行封閉使水
 仍由永定河直流而下似此永定大清兩河均有裨益尤於雄
 縣霸州一帶均無妨害其爲山嘴建壩並於沿河隄旁開設涵
 洞似可試辦至於經費若干以敝軍辦理何時可竣一節以德
 榜度之若由營勇辦理所費無多若蒙中堂飭敝軍辦理左中
 堂素顧大局其經費自必籌給斷不致累及直省惟該處地面
 寬大若以德榜一旅之師辦理此項大役勢必遷延時日必需
 添雇石工土夫方可克期蒞工之遲遠在人之多寡蒙中堂
 諭日據爾所言有利無害爲山嘴壩工似可與復但爾客軍自
 抵直以來即辦河工不分寒暑合力營作未免過勞爲山嘴之
 役未便再勞爾軍容緩委員履勘由直辦理等因今奉
 爺札詢查德榜奉辦下尾店丁家灘車子崖水峪嘴城子郭並
 麻峪神董稟者共計六處現李中堂已委西路同知石廣臣丈
 量據稱大約可灌淤田二三萬畝至於爲山嘴以下棉亘三百
 里地屬宛平良鄉涿州三州縣管轄該處建立渠壩可灌淤田
 約在二十餘萬畝今李中堂已諭委員履勘由直撥兵辦理
 八年署直隸總督張樹聲咨分飭永定河道游智開清河道史
 克寬會勘爲山嘴以下永定河勢已漸趨平地本與上游兩山

夾時不畏衝激者形勢不同渾河泥沙年多一年河身逐漸墊
 高而駕山嘴地勢愈趨愈下至啞吧河尾較駕山嘴築壩鑿渠
 開道引水至御路爲止寬約三里長十里餘只可與復少一
 田一萬數千畝向須按年修濬方免淤廢費力多而獲益少一
 有不慎則破閘衝渠恐致渾河改道利小患大向屬實情轉胸
 伏況已屢亦屬趕辦不及擬再周諮博訪秋後覆勘如駕山嘴
 至御路十里餘一截可以察酌興辦屆時卽歸直隸辦理
 其御路以東迤南由啞吧河至小清河長派一帶既據該
 道等周歷勘詢無人評隄爲左侯隄云知涿州事查光泰左侯
 多曠土似可無議人評隄爲左侯隄云知涿州事查光泰左侯
 胡良爲郡咽喉同治年巨馬河溢橋洞淤光泰治派之明年小
 神廟最窪處築土埵七十餘丈扶承濟橋於沙力軍未能奏效
 越一年恪靖侯率湘軍衛京圻奏修幾輔水利直隸總督肅毅
 伯李相國飭屬籌議光泰以巨馬河應濬之狀上得請調兵三
 千王方伯德榜王太守詩正督之先挑承濟淤沙復河舊道始
 于光緒七年四月既望五月十三日侯相臨工喜軍不擾民勞
 之功成長六里寬一二十丈深六七尺程工十萬有奇引河流
 入橋洞時六月六日又修兩橋間大道伯相以二千金犒軍王
 太守築三合土壩障河之北突而胡良以承濟以南道不平
 王方伯又平之因名隄爲左侯隄今年春予復於兩橋間增涵
 洞二俾通溝水北達胡良河南達巨馬舊又良鄉知縣陳媚請
 河隄上植柳四百株八年四月既望立又良鄉知縣陳媚請
 濟雅河起鐵匠營至安陽橋七年四月陳媚稟雅河達牝牛舊
 河同治八年四月陳媚稟雅河達牝牛舊

二里之鐵匠營迤北上游相連米家莊河基已淤成田長三百餘丈無形可辨據村耆指稱此即舊時河道又自米家莊後相連雅河橋抵安陽橋下游至長羊村東三又河口入牯牛長一千三百餘丈均有河形深丈餘及八九尺寬二三丈餘淤已十有餘年須將所淤舊河由鐵匠營起至米家莊後止再由雅河郭石橋至安陽橋之有河形者分期挑挖計長一千六百餘丈八年清文安縣臺頭以下河道

直隸總督肅毅伯李鴻章奏東淀係大清河入海之路久淤濬

文安臺頭以下工長一千九百二十丈正月奏大清河為五大河之一上承西北羣流

及西淀巨浸由雄縣會自溝諸水經保定霸州文安而趨東流

自嘉道以後久失修濬尾閘不暢則胸膈壅阻臣迭於新城任

耶地面開挖減河分洩盛漲並將隄工逐年修築上年又將文

安縣左各莊至臺頭入淀之處挑濬寬深使河水駛流無滯均

經奏蒙 聖鑒在案伏查東淀向係瀦水之區本甚寬廣乃

百數十年來被附近邨民侵占壅種遂淺狹難容多水臣已派

奏調差委道金福會天津道吳毓蘭督同印委確查清理其淀

中河道係大清河達津入海之路亦久經淤墊前飭西洋機器

船逐漸節挖惟機器船僅止兩號送泥不遠工段又長自應兼

用人力因飭金福會吳毓蘭等節次履勘相度計自台頭入淀

以下至橫山河工長一千九百二十丈應開口寬十一丈至十

三丈底寬七丈深八尺至一丈二尺與機器船所開河道上下

相接其淀心向可蕩漾應從緩議又自盧家口東經官亭子白塔寺五鋪銅銀店王家房至趙家房東淀下口止工長三千四百九十九丈應開口寬十一丈至十三丈底寬七八丈深八尺至一丈即沿格淀隄邊開濬一面出土幫築隄身統計工長五千四百一十丈合三十里零應挑土三十八萬一千餘方以上各工均在東淀水中須節節築壩屏水即由水中撈挖施工倍難方價昂貴約需工費銀七萬五千兩經此次疏濬後庶大清河諸道之水滾滾東趨下與永定潭流交匯於韓家墅冲刷當更得力達津入海之尾閘既較暢通上游亦免壅潰已飭全福會吳毓蘭先於年前籌商佈置現屆春融即責成督辦剋期告成工費於南省捐助賑餘款內撥給

其修隄未詳時代者曰魚廠隄

在霸州城東十五里之魚廠邨霸州周志

曰橫隄

在霸州城東十八里霸州周志先是隄南接苑家口北至栲栳園西

來諸水至此斂入會同河即清河也口狹流急卒難速洩以至

上流泛漲為患明副使顧袞議盡決此隄有力者阻之按霸州舊志及

周志 國朝順治甲午河水橫決長隄俱塌一望數百里皆成
巨浸後雖發帑修築然捍蔽者不過城之東北而城西城南舟
楫往來日甚願之
前議誠為遠見

日大隄

北九河 盧溝巨馬夾河琉璃胡南六河 黑洋一畝方順俱由保
良桑乾烏流白欄白溝唐河沙河滋河

定縣流逕霸州河決田湮修築大隄文安大城雄霸保定五處

分工修築以護民田 霸州周志 又云分三段一自蘇家橋西
至羊耳窩長二百三十二弓一自大堡莊

西至藥王廟長六百弓一自藥王廟
前至保定縣界長二百六十弓

其間十間房一

在霸州城東雍正十一年觀察副使光祿寺卿王鈞建 霸州周志

其堰二

一芥子淀堰一柳林淀堰竝南至二道河北至頭道河 据霸州周志

按周志又云中亭河東西兩遙堰二道高八尺至四尺頂寬一
丈八尺至一丈底寬二丈至三丈不等各長一百八十八丈民堰

民修

其涵洞則中亭河霸州北岸四

一栲栳園一魚厥邨一高各莊一臺山皆雍正四年建乾隆十

五年永定河漫溢隄北地淤高今廢霸州周志幾輔唐志魚

處營田引入亭河水
洩邨橋下仍入本河

又保定縣一

在治西据保定成志

巨馬河二

在涿州永濟橋胡良橋之間光緒八年知州查光泰建据左侯隄碑

其前代河工魏修督亢渠

范陽郡有舊督亢渠徑五十里廢毀幽州刺史裴延備表求營

造未幾而就据魏書裴延備傳

隋皇建中開督亢舊陂

載食貨志

宋修霸州隄

楊延昭築六郎隄在霸州西南起雄縣新城界齊家埵東至老隄邨長一千八百六十二丈高一丈頂寬一丈底寬三丈以禦

西淀之水又築馬貉隄在霸州東四十里自田家口歷棘鉞墳

至信安鎮據霸州周志楊應詢歷知信安保定軍霸州塘泺之間地

沮洳水潦易築居人浮板以濟應詢增隄防宋楊應詢傳

金明昌三年築霸州清河隄

清河南隄在霸州南十里自保定縣燕子口至文安縣清平亘

九十里金刺史伊喇益修據一統志參霸州周志

元泰定三年濬古陳玉帶河鑿文安縣珠瑁口尋罷

三月都水監言河間路水患古儉河自北門外始依舊疏通至大城縣界引入鹽河古陳玉帶河自軍司口浚治至雄州歸信縣界以導淀滌積滌注之易河黃龍港自鎖井口開鑿至文安縣玳瑁口以通滌水經火燒淀轉流入海宜疏者三十處總役三萬三十日可畢省臣奏遣斷事官鼎珠同元委都水孫監丞洎本處有司官發丁夫三萬日給鈔一兩米一升先詣古陳玉帶河尋以旱罷候年登爲之元河渠志按玳瑁口在文安縣治東南二十五里火燒淀又在其東

明洪武間修霸州清河隄

知州梁伯常重修清河南隄卽金刺史移喇益所築今千里長

隄其舊址也

据霸州周志 按洪武中霸州州判張子芳林白雲均修隄据同上

永樂六年修保定縣隄

知縣王孟原始築隄

据保定成志

十年修清河長隄

保定知縣楊汝誠請與文安大城縣分工築隄

据保定成志

十一年修決口

修保定文安二縣河口決岸

明河渠志

宣德二年修霸州隄

霸州桑園里朱家莊張貴莊約四里餘每年水漲無所通泄倒

流北灌海子口牛關佃等處不得耕種順天府尹李庸請量役

民丁修理從之

据萬厯沈志

弘治九年築霸州煎茶鋪隄

在霸州東北自劉紀營逕州城至信安鎮延袤百里知州毛實

築今廢

霸州周志

十年修霸州隄

知州劉珩修据霸州周志

十一年築臨津隄

隄起涿州東境接固安至霸州之趙村務臨津水口涇州南關

長三百餘里廣尋有二尺址倍之崇丈有八尺其間水口一百

六十七至文安之蘇家橋大城之辛張口止据方輿紀要知霸州劉珩

築按明顧清臨津記辛張口先務荆堡等村至州之趙務村臨

津水口經州南關過保定文安蘇家橋抵大城之辛張口黃尋

有二尺址倍之崇丈有八尺旁植柳其間為水口者一百八十

有七隄既成水乃無患城外為深濠成高丈七尺濠深如

城高而殺其一尺而方與紀要云水口百六十七今從之

嘉靖十一年疏濬琉璃河胡良河

十年工部郎中陸時雍言涿州琉璃胡良二河皆淤宜以時濬

詔巡撫議之明河渠志十一年五月庚午明實錄太僕卿何棟勘畿封

河患言涿州胡良河自巨馬分流至州東入渾河良鄉琉璃河發源磁家務潛入地中至良鄉東入渾河比者渾河壅塞二河不流然下流淤沙僅四五里請亟濬之明渠志以胡良河委涿州知州張經綸琉璃河委興州中屯衛指揮李思恭各給夫千責之月終報竣工部覆奏允行明實錄

二十六年溶中亭河曰新挑河

明霸州副使陸坤開新挑河在州南八里許舊有河上自蓮花

臺下達臺山久淤水漫坤尋故道濬之據霸州周志及表

四十年築琉璃河隄

先是水發環橋四十年命築二隄專用條石南北東西共長五

百餘丈開水溝八據雷禮琉璃河隄橋隄記詳橋注

萬麻初修花達墓隄南隄

副使錢藻築花邊墓隄在霸州東上接臺山下逕趙哥莊田家
口菜園高橋信安鎮長四十里又築南隄亦在水東自保家莊
歷老隄邨蓮池至邢家務口長三十五里據霸州周志

三年修清河隄

固安知縣李宜春修南隄二十里有奇南障清河據尤愍固安縣修隄

子牙河

管河官在順天府竟者二

一大城縣丞一文安縣主簿先是子牙河東大隄自廣福樓大
城縣涵洞中界至小河邨長十里有奇又自小河邨至大瓦子
頭長三十七里有奇主簿管轄乾隆十年改歸大城縣丞據畿
輔志其隄東岸分段凡九第一段起煙邨至尾隄頭長八千八
百二十二丈頂寬六尺底寬三丈六尺高六尺第二段起尾隄

頭至葉家莊長千八十丈頂寬一丈四五六尺底寬二三丈高四五尺第三段起葉家莊西至莊北長四十丈頂寬三四尺底寬六七尺高五尺第四段起葉家莊北至青縣廣福樓平地長九百二十丈頂寬一丈四五六七尺底寬二三丈高四五尺第五段起廣福樓平地至邨北長一百二十丈內有平地三十丈餘有微隄第六段起廣福樓邨北至小交河邨長三百二十丈頂寬五六七尺底寬一丈六七尺高一二三尺內有平地四十丈第七段起小交河至一間房長三百六十丈頂寬五六七尺底寬一丈有奇高一二三尺第八段起一間房至沿莊纒隄長一千九百八十丈高寬有差第九段起沿莊至青縣界流莊長五百四十丈灘地也較平地高二三尺西岸分段凡十有一第一一段起接河間縣界之馬邨至杜家莊長一千二百六十丈頂寬

一丈三四尺底寬三四丈高五六尺第二段起杜家莊至九里隄長七百二十丈頂寬一丈一二三尺底寬二丈五六尺高二三四尺第三段起九里隄至迷隄長九百九十丈頂寬一丈二三四尺底寬三四丈高四尺第四段起迷隄至姚馬渡南長六千一百九十三丈五尺頂寬一丈三四五尺底寬三四丈高五六尺第五段起姚馬渡南至姚馬渡北長二百七十丈頂寬一丈底寬一丈五六七尺高三尺第六段起姚馬渡至辛家莊長五百四十丈頂底均寬二丈高一二尺第七段起辛家莊至正莊南長五千九百四十丈頂寬一丈八九尺至二丈底寬三四丈高五尺第八段起正莊至邨北長五百四十丈頂寬一丈二三四尺底寬一丈七八尺高四五尺第九段起正莊北至引河小橋長七百二十丈頂寬二三四尺底寬四五六尺高二三四

尺第十段起小橋至王口邨南長三百六十丈頂寬八九尺至一丈底寬一丈二三尺高二三四尺第十一段起王口邨南至土橋文安縣界長五百四十丈頂寬一二尺底寬八九尺高一

二三尺

據光緒九年大城縣圖冊

河兵四十

戰兵四名守兵三十有六又塋船百六十叔夫三百乾隆二十九年裁

其工康熙十口年始修大城霸州文安保定子牙河隄

大城縣自修馬邨口至三公口隄一萬三千四百二十丈協修霸州長屯南蘇家口隄一百一十丈北蘇家口隄一百三十四丈程家口五十五丈文安縣繕來營隄六十丈武哥莊隄三百一十三丈保定縣新家嘴後隄一百一十八丈柏木橋注窩隄

四百七十丈

據大城張志

三十二年濬子牙河修隄

修濬大城縣隄河

采訪冊

三十三年濬子牙河修隄

四月直隸巡撫郭世隆奏霸州等處子牙河隄決田畝被淹其

大城縣趙扶邨之南隄請即修築黑龍港河及王家口久淤請

濬滿洲名臣傳二十五按南隄即東隄也畿輔安瀾志霸州等處子牙隄

海大城雄縣任邱隄岸河道即東隄也子牙正河東大隄自青

縣小河邨起北入大城縣界自大城入靜海縣界遼闊兒莊北至大瓦子頭盡處長三十七里六分附隄邨莊係子牙鎮鄭兒莊大小瓦子頭等處

三十九年修大城等縣西隄

隄起獻縣至大城長六十六里有奇又修大城縣

欽坵起南併莊至王家口長三十八里據畿輔安瀾志按會典事例七百一云康熙三十

九年大修畿輔各州縣清河子牙河又築東大隄起大城縣涵官隄民隄共長一千五百二十餘里畿輔安瀾志青縣東大隄子牙洞中界至小河邨長十里九分河正支南自廣福樓邨接大城縣涵洞中界起北至小河邨交大城縣界止長十里九分康熙三十九年築民歲修四十七年修東隄

民築隄起獻縣至大城長六十二里有奇據畿輔安瀾志

雍正四年修隄障大城縣王家口西流

子牙河水汎泥多將兩隄加高培厚由大城王家口入淀會典事例

七百 怡賢親王大學士朱軾奏子牙河由王家口分東西二股應障其西流約束歸一戶部議障王家口以北之西流省其紆回則文安大城保定無淹沒患

乾隆四年濬子牙新河

濬新河使上流諸水得以歸淀會典事例七百一

五年疏王家口築隄

王家口爲子牙河入淀尾閘開濶莊頭邨至臺頭歸清河挖楊家莊河脣舊口引河經閘留二莊由朱家窪等處獨流大坑入淀河子牙潭水西南斜向東北水滿聽其平漫水落歸槽濁流澄地清水入淀各窪淤平就勢築隄子牙西岸大隄加高培厚會典事例又築橫隄起大城縣小店邨涵洞中界北至廣福樓七百一南青縣界長十里九分四釐先是康熙十九年於廣福樓西南開引河洩滹沱水寶卽黑龍港下流也渾沙積淤黑龍港本支瀝水倒漾至是築橫隄截引河道使黑龍港北流據畿輔安瀾志

九年堵大城縣莊兒頭河口改河東出

協辦大學士劉統勳總督高斌奏子牙河上游北注大城縣王家口每清渾竝漲迤南數千百邨遭浸請於王家口北莊兒頭

起堵截于牙下流另於陳家泊展開河身一道改溜東出得

旨允行

十年修隄

大城等縣子牙河西隄長三十六里畿輔安瀾志淳沱河西岸月樓各隄自第六鋪起接

大城縣屬至王家場交天津縣屬長三十六里乾隆十年建築民修其西岸上游並東岸俱民修又築于牙河

格淀隄起大城縣莊兒頭至天津縣長八十四里畿輔安瀾志

隄又名格淀大隄乾隆十年初建自大城縣莊兒頭起歷靜海縣抵天津縣西沽長八十四里

十八年改支為正

大城縣子牙正河自楊家口至莊兒頭長四十八里淤甚楊家

口支河至閭兒莊東隄長八里有奇深通暢順作為正河河尾

展挖寬深正河留作越河將子牙橋北至莊兒頭三十里挑深

無滯總督方觀承奏子牙河為濶淺會流下游大城竟內河身窄狹乾隆五年議於楊家口開挑支河下穿閭兒莊東隄

導引陳家泊仍歸正河嗣因楊家口汕刷寬深支河水分十之
七正河止二三分溜緩沙停自楊家口至莊兒頭長四十八里
零皆淤自楊家口至于牙橋十八里零淺窄尤甚楊家口支河
寬十四五丈深七八尺並一丈二三尺不等至閭兒莊東隄長
八里零深通暢順自宜因勢利導作為正河再於閭兒莊河尾
北通蔡家窪沿溜兒莊東隄抽挑河漕下接黑龍巷舊河展挖
寬深俾全河俱於子牙橋歸入正河計挑河九里有餘較之疏
洛正河事半功倍將挑河之上培築東隄正河留作越河將子
牙橋北至莊兒頭三十里挑深七尺至閭兒莊河流穿越東隄
處建欄河草壩于壩北東隄修滾水石壩俾盛漲正河不能容
納之水由此分減

二十九年接開支河

總督方觀承以子牙支河已改為正河請自子牙邨南接挑新
河至王家口東窪子頭入正河長四千一百十丈面寬十丈底
寬五丈深五尺五寸至九尺將挑河之上於東岸築隄正河自
張家莊至王家口應濬以土培于西隄得

旨允行

方觀承奏子牙支河今已改為正河應加寬深請自閭兒
莊草壩對岸起東至東子牙邨南止長一千二百六十八

丈面原寬六七丈展寬十丈底寬三四丈者展寬五丈原深六七尺者加深七尺至九尺不等扶河之土用以培隄又子牙都南接新河至王家口東窪子頭歸入正河長四十一百十丈應挑面寬十丈底寬十丈深五尺五寸至九尺不等將挑河之七子東岸夯築成隄重東子牙都小道鋪鄭兒莊三處築護郵路再從前子牙河淤墊全賴支河引水如遇盛漲支河不能容納又賴蔡家窪分派之路所有子牙正河自張家莊至王家口並應尚應多籌分派之土培于西隄 畿輔安瀾志方觀承奏間段挑濬即以挑河之土培于西隄 畿輔安瀾志方觀承奏子牙支河之尾歸入正河處所形勢不煩請從子牙都南接穿隄而出斜向東北挑新河二十里至東窪子頭匯入正河又間段挑濬正河得 旨允行又於五善都東津石開

三十二年修子牙河新隄

起文安縣三灘里至格淀隄莊兒頭止接築新隄二千七百七

十二丈先是隄止臺頭西南三月乙丑朔

上聞子牙河隄

諭朕此次巡幸天津閱視淀河隄閘按圖披覽內有千里長隄之三灘里起至格淀隄莊兒頭止中間並無隄岸詢之該督稱向來

未經辦理每遇淀水長發地畝民居不無淹沒殊堪軫念本日朕閱看子牙河特命阿里衮分道往勘據稱無隄處所東西約長十餘里其中間有民修隄埝被水衝缺數處每當雨水過多之年卹民一二千戶地畝千餘頃常被水患卹民見有欵差前往踏勘築隄無不歡欣踴躍僉云從此子子孫孫皆可永遠霑恩且隄內之地亦可盡成膏腴實於居民有益等語從前修築格淀隄原爲捍衛卹民今三灘里至莊兒頭十餘里獨無隄岸以資保障卹民未免向隅著交與方觀承再行詳悉相度接築長隄卽覈實估計妥議具奏尋奏接築隄自文安縣屬之三灘里千里長隄起至大城縣屬之莊兒頭格淀隄止共長二千七百七十二丈頂寬一丈六尺底寬五丈酌就地勢高五六尺不等需用土方估銀六千九百五兩零見飭大成文安二縣逐段興修務於汛前完竣仍飭該管

之子牙河丞天津道往來督察報聞

蓬拔子牙河故道自谷家莊至吳家溝長一千二百四十

丈是年普濟而寬六丈五尺底寬三丈五尺深三尺

三十七年築王家口壩塞水口

總督王新命以文安保定與雄任二縣所統之五官淀出自滹

沱分流名曰洋河出王邨口入柴火淀上流淤塞奏請于大城

縣王家口築攔河壩堵塞上下河水口

秦障河分支原係滹沱釜陽三水合流至獻縣

西南二十五里之完區口分為二支一由獻縣南單家橋經青縣北出鮑家嘴達運河一由獻縣北城家橋東北經河間大城地方過子牙王家口入三角流查單家橋河口淤塞全河之水直奔城家橋北流以致河間大城文安保定霸州常被淹沒似應於完區口分流處築攔河大壩一道橫截水勢疏通單家橋河口使七分之水流入運河留三分之一水北流城家橋所有雄任文保所統之五官淀出自滹沱分流名曰洋河出王邨口入柴火淀近十餘年上流淤塞柴火淀之水悉流到滹沱應於王家口築攔河壩堵塞上下河水口則四面可免淹沒地土可以涸出而五官淀周圍一萬二千二百丈有零之隄可不必修

嘉慶五年修西堤

大城縣與獻縣河間縣之子牙河西隄殘缺單薄總督顏檢奏

請加高培厚得

旨允行

顏檢奏文安大城被水由河間民扒開廣安橫隄而扒隄實因念祖橋劉各莊漫口冲灌情急所致念祖橋漫口業

經堵築劉各莊漫口廣安橫隄黃家道各缺口補築其獻縣河間大城之子牙河西隄殘缺單薄普律加高培厚共長七千一

百三十一丈

十一年修隄

總督襄行簡奏修子牙河新舊格淀隄起文安縣三灘里至天

津縣西沽止十三年工竣先是十二年于牙河漫決王家口民

埝三里灘十數邨積水未消尙書德瑛劉權之開新格淀隄數

丈洩之尋補築

十一年總督襄行簡奏新舊格淀隄雖止百里在界河下游大城文安隄身兩而皆水均須修

築十三年總督溫承惠奏千里長隄新舊格淀隄並濬淤等工經前署督臣襄行簡勸辦上年八月臣復勘有未如式及被

水汕刷之工飭續修復天津道沈長春承辦文安大城靜海天

津等四縣格淀大隄及靜海壘道橋座原續估銀一十萬二千

一百五十八兩零 十三年尚書德瑛劉權之奏格定新舊隄
並舊道自文安縣三灘里起至天津縣西沽炮臺分七十二段
長萬七千九百八十五丈五尺文安縣新格定隄工南三灘里
積水寬長水中十數鄉詢因去年子牙河泛漲大城臨河民
被沖灌人四無出路老民求暫開新格定隄一段臣查開隄各
入淀海可無於淺是以飭文安大城兩縣就三灘里最低處各
開數丈俟積窪消減卽于汛前補足無須再動官項
其遼南王家口臨河民埝經大城縣勸令百姓補築

道光三年修文安大城二縣隄

盧蔭溥奏修文安大城隄工二月丁巳

諭據盧蔭溥等奏文安大城二縣隄工亟宜勸借修築一摺順天
府屬州縣上年被水文安縣卹莊涸出不及十分之二其餘水深
三四尺至八九尺不等大城縣南有九里橫隄一道係捍禦上游
何間等縣諸水現在決口四處除已斷流外尙有小廣安口一處
仍未全消前經該督委員勘估詳報其文安縣西北千里長堤一
道正西又有西隄一道決口二處口門未涸通體隄工衝刷殘缺

均需補築千里長隄原開決口十九道僅涸出三道其餘均未斷溜現在隄外之水高於河水可資宜搜將來內外水平不惟無可疏消更恐夏令河水漲發各決口及隄工卑薄殘缺之所處處皆可內溢請先將隄工及時修築庶農田以漸涸復等語著顏檢遴委諳練河工人員迅速前往該處將應堵應修各工確實勘估並及早購料於水潦未動之先趕緊修築以衛民居而安農業務須飭屬認真辦理不可草率完工於民居仍無裨益至隄外河身因下游不暢以致河底淤高漲水易於內溢難於外洩並著該督通籌全局妥爲辦理是爲至要將此諭令知之謹按九里橫隄在大城縣城西二十里廣安鎮之南鄧零臣邨之北西迷隄之東北其西在大流河邨南與河間張邨近其東接子牙河北隄凡九里北隄卽千里隄南障清河北障子牙又西近文安縣之士橋

頭西隄則清河隄也

七年修大城縣隄

修子牙河東隄至小河邨西隄至王家口高四五尺六七尺頂

寬六七尺丈餘底寬一丈五六尺二丈餘不等已下東西民埝

高三四尺五六尺頂寬四五六尺底寬六七八尺七年六月大

豫粟子牙河東大隄自入竟至小河邨止以下係民埝河溝僅

存隄影西大隄雖完然自王家口以下亦民埝相接斜侵至格

淀隄止滹沱既歸子牙故道一積中澗不無溢患隄缺甚多先

德狼窩殘缺挑整再將隄坡暫挑小埝西大隄兼防子牙清河

尤為喫重已於五月二十六日開工七月稟子牙河隄工自

乾隆中責令民間歲修迨嘉慶時滹沱不由故道洩水引河隄

墊石壩廢圯轉瞬全溜歸河年久失修之隄不得不藉資民力

六月開工七月上兩岸隄埝告竣隄高四五尺至六七尺底寬

一丈五六尺至二丈餘頂寬六七尺至丈餘接築小
埝頂寬四五六尺底寬六七八尺高三四尺五六尺
八年修子牙河隄築大城縣趙扶邨決口
直隸總督肅毅伯李鴻章奏子牙河歸故道修大城文安縣隄

正月奏上年十一月欽奉 皇太后懿旨恭親王醇親王

奏查看河工情形一摺此外應行修濬處所著李鴻章等查勘

奏明辦理遵查漳沱為直省五大河之一本由于牙河達津歸

海自同治七年由萊城北徙泄濫橫流經晉州雞澤深州安平

饒陽入古羊河下穿獻縣肅甯河間任邱雄縣保定霸州大

城竟內而歸文安大窪其萊城南入于牙河故道迭次勘查沙

淤極深不能挽復而現行古羊河下游並無出路沿河州縣受

害甚廣文安一帶入成澤國臣幾經設法籌度須於獻縣朱家

口古羊河東岸另開減河使其分歸于牙前派道員史克寬詳

細察勘妥議即於去春開工自朱家口至于牙河止計長三十

三里零平地挖口寬十一丈至十五丈底寬五丈至十二丈高

處挖深一丈九尺最窪處挖深七尺於兩岸五六丈外工堆築

南北新隄底寬五六丈頂寬二丈二三尺高一丈三四尺地形

極順深得吸川之勢夏間工竣開墾大溜東趨竟將原走古羊

河之滄水全行奪入新河復歸于牙故道古羊下游即已斷流

獻縣至文安九州縣頓除十餘年之積患即獻縣已上州縣亦

獲暢消之利實為始念所不及己迭次奏蒙 聖鑒在案惟

原開獻縣新河本擬分減漳水未克展寬河身今既奪漳注全

溜誠慮復蹈舊轍必將新河加寬又獻縣河間青縣靜海大城

文安等六縣原有子牙河兩岸隄工五百餘里為各縣田廬保

障因漳沱北徙年久失修大半塌廢今漳水既歸于牙故道必

將通工重加修築復飭清河道史克寬稟稱獻縣新河應就北而酌

量開寬三四五六丈地勢高者挖深丈餘窪者挖深五六尺原

出廢土離河五六丈今再於北面移出十丈除挖寬河身之四
 五六丈外河岸離隄尚有十丈之遠設遇汎漲出槽可使暢流
 仍以廢土爲隄與南岸之隄對峙其兩隄相去遠近較上游古
 羊下游子牙兩隄相等上下聯絡計挑河移隄合土六十六萬
 方至原建李謝留針野厥三都橋座應拆修加長以免河寬橋
 窄阻扼水路其宋家房土壩係堵截溝水不復下趨古羊最關
 緊要應加高培厚並於宋家房之南新頭河之北酌添重壩共
 需銀七萬兩又據吳毓蘭等稟稱厭縣以下子牙河兩岸隄工
 東岸自獻縣賈莊橋起歷河間大城青縣至靜海獨流鎮大橋
 當城止西岸自獻縣新柯尾起歷河間大城至文安豐樂橋天
 津格淀隄止共合工長八萬五千三百六十四丈擬就原隄基
 址修築頂寬一丈二尺底寬五丈二尺高八尺底寬五丈五尺至
 較低之處應築頂寬一丈五尺至一丈八尺底寬五丈五尺至
 六丈三尺高八尺其隄基址近河身及無隄而只有河身之
 處應展寬二三十丈築隄使溜勢舒展共計原隄舊土七十三
 萬餘方應知新土一百七十三萬餘方從前該隄本資民力今
 六縣紳民認修土一百十六萬餘方以遠邇補近邇之不足此
 縣補彼縣之不足酌盈劑虛通力合作其不敷土五十七萬餘
 方割歸官辦並修築各段缺口車道約需方價及險工材料雜
 用銀七萬兩臣查獻縣新河加開寬深則全溜皆歸子牙故道
 下游九州縣可永除潯水之患子牙河隄加築完固則歲督民
 修防沿河六縣可永獲保衛之益直庫入不敷出平時難議大
 工今幸南省官紳有捐賑款經臣節縮支放向餘銀二十萬餘
 兩以之湊撥此項隄河及另招奏辦之大清河下游東淀河工

尚可敷用已責成史克寬督辦加開漳沱新河工程吳毓蘭揮
桂孫等督辦子牙河兩隄工程均于年前籌商布置現已春融
即令招集民夫分段工作七月十六日趙扶邨決口寬二十丈有奇漫入文

安大窪軍民並力塞之 据直隸總督張樹聲咨及大城知縣稟
按是年麻縣高且邨任邱西大塢干

里隄與大城趙扶邨子牙河隄先後決口其由鄆
州五官淀而達文窪者西大塢決口之水居多

其開大城縣四

一間兒莊二空乾隆十九年築 据畿輔安瀾志 一王藩邨北關一王蕃

邨南開竝二空乾隆二十九年築 總督方觀承奏文安大窪向

防其北漫但東面有大城長隄隄身橫亘一帶滙水向東全無去路

輒北潰廣安隄而出致為大城文安之患請於大城長隄近王

蓄邨地勢低處穿隄建雙空石閘二座外挑河長九里零挑河

之士築為南隄將滙水洩入榆錢窪東注子牙河再將廣安橫

隄加高培厚則文安大窪南水之患可除又王蕃開外之子牙
河更宜分別保開於東岸冒門邨挑濬引河長十五里引河水
入蘇莊窩由賈嘉慶五年移總督顏檢奏文安大城被水王蕃
家邨仍歸大河嘉慶五年移二開業已淤平有舊閘之南杜各
邨對面隄外有河溝挑入正河在隄口移建石閘一王蕃南一
開近存一邊雁翅北開亦間有殘缺以二開供一座之工

小橋東開在王口邨東南已上開首子牙河經流

其涵洞大城縣一

在小交河邨後乾隆二十年以甌築疏消大城縣界內之楊家

口西小河邨等窪積水入大城界子牙支河

據畿輔安瀾志

其前代河工元延祐四年修文安縣隄

庫沱河水溢文安知縣吳質疏河築隄獲粒食之頃計五百有

奇楊志文安

延祐六年疏文安縣滹沱河築堰

文安尹吳質周覽縣竟地形東北俱下滹沱河水溢具以利病

稟於上官疏河築隄

邑令吳君德政碑

明隆慶五年拓文安縣滹沱河堰

先是延祐中知縣吳質疏河築堰至明史天祐拓而延袤之以

里計者百有二十陽記邢孔創修大隄自西南王東邨起而北而

東又東南至王李墳止長百五十里高廣堅緻俗評史公隄文据

安揚志一統志陸慶中霸州吳尚義監修文
安大隄按萬厯四年知縣王湘沿隄栽柳

萬厯十一年修霸州保定大城文安隄

凡三萬九百九弓內有欽隄有民隄有古隄所謂古隄者即元

法雲寺碑稱寸金隄者是亦曰長城隄楊朝麟文安縣志曰戰

國趙武靈王築長城當燕南趙北立隄使燕水不南趙水不北

也文安揚志萬厯十一年官侯延澤修隄分工程督始有定議

十五年既決復塞有過瀾障海之功按官公分工條議自大

注窩起至王李墳止霸州雄縣保定大城文安分築立有章程

有碑碣分修已久後自遷隄再建雄縣遂弗共事以雄縣王村

口史哥莊在遠隄外也實在四邑按段分工霸州三段一段自

蘇橋頭起至羊耳窩止長二百三十二弓一段自大堡莊西頭

起至藥王廟前止長六百弓一段自藥王廟前起至保定界牌

止長二百六十弓共長一千九十二弓保定縣七段一段自界

牌起至十王堂止長六百四十二弓一段自鹿疇起至北壇止

長六百七十五弓一段自劉家莊起至北門止長二百九十弓

一段自西關起至西壇止長八十二弓一段自擺渡口起至新
 家莊止長三百三十弓一段自姜家邨起至何家道口止長八
 百三十九弓一段自橫隄起至上五哥莊止長二千四百二十
 五弓以上共長六千二百八十三弓大城縣六段一段自善來
 營起至張家里十甲隄止長一百二十弓一段自張家里隄起
 至下五哥莊止長六百二十三弓一段自北壇起至劉家莊止
 長二百八弓一段自西壇起至擺渡口止長四十三弓一段自
 新家莊起至姜家莊至長一百九十弓一段自何家道口起至
 橫隄止長一百六十九弓共長一千三百五十三弓文安縣九
 段一段自工東邨起至新隄頭保定隄界止長四千九百五十
 五弓安祖里付花里修一段自鹿疿起至王堂廟前止長一
 千三百三十弓豐台里修一段自太堡莊起至善來營大城隄
 界止長二千一百五十三弓廣陵里急流里修一段自善來營
 起至蘇橋西霸州隄界止長一千九百四十弓張家里滄皂里
 修一段自蘇橋起至唐頭止長三千九百八十三弓留郡里滄
 岡里大趙里曲隄里修一段自唐頭起至艾窩止長七千九百
 六十三弓京頭里柳河里蘇橋里唐頭里勝芳里辛留里石溝
 里修一段自艾窩起至王李墳止長八千五百五十五弓豐益屯
 富屯豐厚屯廣濟屯保安屯黃甫里司邱里小保里艾窩里滄
 莊里潘平里德歸里甯受屯土橋里共十四里屯修一段羊耳
 窩隄長四百弓急流張家滄皂留郡京頭柳河蘇橋堂頭勝芳
 黃甫司邱石溝艾窩滄莊歸德辛留土橋共十七里寄莊修一
 段口頭藥王廟隄長一百三十弓安祖付花豐台廣陵甯受豐
 富豐益豐厚廣濟保支共十里屯寄莊修以上共長三萬九百

九弓總計四邑分修共同護用隄一道計長一百二十里起王東邨止王李墳內分民隄一段自雄縣王東邨起至保定縣界隄止長二千八百九十七丈五尺內分欽隄一段自保定縣界內何家道口起至柴溝邨王李墳大城縣隄界止長一萬二千七百四十丈一尺古隄一道在邑東南自天德東北經韓邨艾子之南接大城之周北王文樓底等邨延袤幾百里一名寸金隄今韓邨有元勅建法雲寺碑陰日寸金隄昨古佛堂一名長城隄據戰國趙武靈王築長城當燕南趙北立有隄岸創建失考蓋燕水不南趙水不北也

十五年塞文安縣隄決口

此即十一年議修隄詳上注

二十七年築文安縣滹沱河隄

滹沱河決文安知縣岳儲精力障之据文安楊志

四十二年修子牙河遙隄

文安保定大城三縣同修遙隄起白家道至上五哥莊文安楊志萬縣

四十二年甲寅崔侯儒秀勸得郭侯允厚議月隄起注窩東行至圓河保定南劉寨北過西營抵蘇橋之上以東築新隄自防

阻於保定弗就井副使因侯之議而輕省其工收保定於內冀
重隄之速成至甲寅春崔侯偕大城梁侯綱保定田侯龍詢謀
僉同斟酌前議用井臬副策自白家道口起至上五哥莊築遙
隄一道以防廖家黑牛等口之衝長八里文安修五分保定修
二分大城修三分歷天啟丙寅黑牛口決果賴無虞萬曆四
十二年預防水患碑大城縣知縣梁綱申霸州屬縣保定文安
大城係九河下稍保文之隄岸必不可決大城之水口必不可
塞蓋保定文安舊受恆山諸水新受渾河諸水夾河兩岸俱有
隄防保定文安不能獨修每歲大城協力修築久矣若保定隄
決則諸水建飯而下害及三邑且大城洩水之處在三家淀水
口隘小水退動計月餘文安亦如之此保文之隄所以必不可
決大城之南萍沱河諸水由河間轉入縣東北會王家口三家
淀經通津橋至天津入海三家淀一塞則諸水泛溢而上滄及
三邑此大城水口所以不可塞如三十五年大城三家淀口被
靜海之民越境築塞則水不就下而三縣同受壅水之患四十
一年保定射店等隄雄縣之民越境盜決則水勢狂奔而三縣
同受決水之患然決保文之境必雄縣之民也塞大城水口者
必靜海之民也愚民圖一己之便不惜鄰邑為壑請著為令如
保定之隄文大城協修看守則在保定倘有疎虞文大得而申報
之文安之隄大城協修看守則在文安倘有疎虞保大得而申
報之大城水口在大城境內防守獨在大城倘被鄰人壅塞則
文保得而申報之以聽處分酌被滄之多寡定參處之輕重霸
州知州楊瀚申稱勘得保定文安大城三縣居窪下之地恃隄
為命國家設有長隄一百二十里西北導水自琉璃等河入於

茅兒灣西南導水自津注入于鹽河邇來渾水南徙水患倍增
 於前而隄俱坍塌非復舊形兼鄰封之人有希圖私便不求長
 策者如雄縣于原分之工不惟不行協修以固其宇而反疊疊
 盜決以圖注洩則三縣受上流之患矣靜海於順流之勢不惟
 不加疏濬以導於海而反欲障塞以事壅激則三縣受下流之
 患矣保文歷年原有之隄當仍其常不可聽決大城歷年原無
 之隄當仍其無不可聽塞仍之則彼此兩便仍之則經久可行
 以被災分數定泰罰輕重但大城之海口塞之難而防禦則易
 保定之隄岸決之易而巡守為難且保定丁真民貧獨任巡守
 不無偏累如果係盜決不能捍禦則罪在不宥倘遇天災流行
 洪水衝決似又當查三縣分修之堅否難以概責保定為疏虞
 也勒石豎立以垂永久蒞遼總督兵部右侍郎薛三才批保文
 之隄岸大城之海口三縣利害相倚其修築防守自應各竭心
 力決無彼此推諉者所虞在雄縣之盜決靜海之障塞耳若酌
 量汎地遠近各該防夫若干名給以工食卽令其住居隄口民
 既便於守官亦易於責成是否長便此關三縣利害非小該道
 再行各縣酌議報册繳四十二年七月立石大城張志三家
 淀在縣東北五十里係文安靜海本色之交文大之水從茲北
 下萬屏四十二年為靜海
 民築隄障水豎石禁之

德清傅范初校